

Inzko i Vijeće koruških Slovenaca



Ured visokog predstavnika želi potvrditi da su se Valentinu Inzku obratili članovi Zajednice Slovenaca u Austriji u području Koruške, Klagenfurta/Celovca, i zatražili od njega da obavlja funkciju šefa Vijeća koruških Slovenaca, jedne od nekoliko organizacija etničkih manjina..

Ovo Vijeće je jedna od nevladinih organizacija u Austriji koje rade na promoviranju interesa i težnji etničkih manjina. Članstvo u Vijeću je dobrovoljno i bez novčane naknade, te nije neophodno da njegovi članovi žive u Austriji.

Valentin Inzko već obavlja dužnost počasnog predsjedavajućeg Slovenskog atletskog kluba, fudbalskog tima koji se natječe u austrijskoj Centralnoj regionalnoj ligi, a kojeg je Valentin Inzko osnovao 1970. godine, dok je još bio student. Dodatno, aktivan je i u društvu bivših đaka Slovenske savezne srednje škole u Klagenfurtu (Absolvenska zveza Zvezne gimnazije za Slovence v Celovcu). Valentin Inzko je ovo društvo formirao 1987. godine. Inzko također obavlja funkciju počasnog zamjenika predsjedavajućeg „Mohorjeve družbe/Hermagoras“, koju je 1851. godine u Klagenfurtu/Celovecu osnovao njegov praprastric i koja je najstarija slovenačka izdavačka kuća.

Valentin Inzko je naglasio da ukoliko preuzme obaveze u vezi sa ovim Vijećem, to ni na koji način neće biti u sukobu s njegovim radom na mjestu visokog predstavnika i specijalnog predstavnika Evropske unije u BiH.